



Broj: 07-03-11-49296/23  
Sarajevo, 30.11.2023. godine

Na osnovu člana 4. Zakona o izvršenju Budžeta Kantona Sarajevo za 2023. godinu („Službene novine Kantona Sarajevo”, broj 15/23), Odluke Vlade Kantona Sarajevo, broj 02-04-50372-1/23 od 28.11.2023. godine, a u vezi sa tačkom VIII Programa utroška sredstava utvrđenih na razdjelu 18. Budžeta Kantona Sarajevo za 2023. godinu, na poziciji "Fond podrške privredi zbog posljedica izazvanih pandemijom koronavirusa i elementarnim nepogodama", broj 02-04-50372-1.1/23 od 28.11.2023. godine, Ministarstvo privrede Kantona Sarajevo kao nosilac budžetskih sredstava, raspisuje

## JAVNI POZIV

**za finansiranje provođenja Mjere podrške likvidnosti u svrhu očuvanja radnih mjesta kod subjekata - zakupaca na pijaci "Kvadrant" koji su pogođeni elementarnom nepogodom, odnosno požarom koji se desio dana 5.11.2023. godine**

### I PREDMET JAVNOG POZIVA

Javni poziv za finansiranje provođenja Mjere podrške likvidnosti u svrhu očuvanja radnih mjesta kod subjekata - zakupaca na pijaci "Kvadrant" koji su pogođeni elementarnom nepogodom, odnosno požarom koji se desio dana 5.11.2023. godine raspisuje se na osnovu Programa utroška sredstava utvrđenih na razdjelu 18. Budžeta Kantona Sarajevo za 2023. godinu, na poziciji "Fond podrške privredi zbog posljedica izazvanih pandemijom koronavirusa i elementarnim nepogodama", broj 02-04-50372-1.1/23 od 28.11.2023. godine (u daljem tekstu: Program), a u cilju pronalaženja modaliteta pomoći zakupcima pogođenim požarom koji se desio 5.11.2023. godine u 13,00 sati na pijaci "Kvadrant" u naselju Otoka, ulica Džemala Bijedića broj 27, 71000 Sarajevo.

Subjekti obuhvaćeni ovim Javnim pozivom navedeni su u aktu "Spisak korisnika usluge zakupaca prodajnog kioska zatvorene tezge na PJ "Kvadrant" (u daljem tekstu: Spisak) koji čini sastavni dio ovog Javnog poziva. Napomena: U slučaju da subjekt koji se ne nalazi na Spisku dostavi relevantan dokaz da je zakupac na lokalitetu PJ "Kvadrant" KJKP "Tržnice-pijace" d.o.o. Sarajevo isti će također biti obuhvaćen ovim Javnim pozivom.

### II FINANSIJSKA SREDSTVA

Ukupan planirani iznos sredstava (limit) za provođenje Programa je 300.000,00 KM (slovima: tristotinehiljada konvertibilnih maraka), a ova finansijska sredstva utvrđena su na razdjelu 18. u Budžetu Kantona Sarajevo za 2023. godinu, na poziciji "Fond podrške privredi zbog posljedica izazvanih pandemijom koronavirusa i elementarnim nepogodama", ekonomski kod 614500, subanalitika IAP 001.

**Iznos sredstava koji se dodjeljuje subjektu koji je obuhvaćen Programom je iznos koji je jednak iznosu tri najniže plaće u Federaciji BiH prema Odluci o iznosu najniže plaće za 2023. godinu ("Službene novine FBiH", broj 2/23) (u daljem tekstu: najniža plaća) sa pripadajućim porezima i doprinosima i to po licu sa liste osiguranika ovog subjekta, tj. iznos, kako slijedi: (3) x (596,00 KM - najniža plaća + 32,89 KM - porez na dohodak/plaću + 209,63 KM - ukupni doprinosi za penzijsko i invalidsko osiguranje + 150,39 KM - ukupni doprinosi za osnovno zdravstveno osiguranje + 18,23 KM - ukupni doprinosi za osiguranje u slučaju nezaposlenosti + 10,52 - ostale naknade = 1.017,66 KM) = 3.052,98 KM po licu sa liste osiguranika odnosno subjekta.**



Ukoliko se utvrdi da je nakon obrade svih prijava po Javnom pozivu, za isplatu iznosa sredstava potrebno prekoračiti limit iz ovog Poglavlja Javnog poziva, pojedinačni iznos koji se po licu sa liste osiguranika dodjeljuje subjektu koji je obuhvaćen Javnim pozivom, proporcionalno se umanjuje u skladu sa navedenim limitom.

### III NAČIN REALIZACIJE PROGRAMA

Javni poziv provodi Ministarstvo privrede Kantona Sarajevo (u daljem tekstu: Ministarstvo privrede), u skladu sa usvojenim Programom i isti se objavljuje se na web stranici Ministarstva privrede, a Obavještenje o Javnom pozivu objavljuje se u dnevnom listu čiji je izdavač pravno lice sa sjedištem u Kantonu Sarajevo.

### IV PRAVO UČEŠĆA NA JAVNOM POZIVU

Pravo učešća na ovom Javnom pozivu može ostvariti subjekt iz Poglavlja I ovog Javnog poziva, koji podnese prijavu na Javni poziv i koji:

1. je registrovan za obavljanje djelatnosti,
2. ima sjedište na području Kantona Sarajevo,
3. je dostavio prijavu u skladu sa Javnim pozivom i
4. ispunjava sve ostale uslove iz Javnog poziva.

### V SADRŽAJ PRIJAVE NA JAVNI POZIV

Podnosilac prijave na Javni poziv mora dostaviti ovu prijavu koja uključuje sljedeće:

1. **Prijavni obrazac** propisan Javnim pozivom, ovjeren potpisom ovlaštenog lica i pečatom podnosioca prijave (original);
2. **Isprave i drugu dokumentaciju**, kako slijedi:
  - a) Rješenje za obavljanje djelatnosti izdato od nadležnog organa (fotokopija ovjerena od nadležnog organa - općina/notar);
  - b) Uvjerenje o poreskoj registraciji - identifikacijski broj (ID broj) (fotokopija ovjerena od nadležnog organa - općina/notar);
  - c) Listu osiguranika za obveznika izdato od Porezne uprave Federacije Bosne i Hercegovine sa stanjem na dan objave obavještenja o Javnom pozivu (original ili fotokopija ovjerena od nadležnog organa - općina/notar);
  - d) Ugovor ili potvrdu banke o otvorenom bankovnom računu na ime podnosioca prijave (original ili fotokopija ovjerena od nadležnog organa - općina/notar);
  - e) Ugovor o zakupu između podnosioca prijave i KJKP "Tržnice-pijace" d.o.o. Sarajevo za lokalitet PJ "Kvadrant" (fotokopija ovjerena od nadležnog organa - općina/notar);
  - f) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje da se protiv njega ne vodi krivični postupak, kao i da nije pravosnažno osuđen za počinjenje krivičnog djela i/ili privredni prijestup (izjava uvrštena u propisani **Prijavni obrazac**);
  - g) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice pod punom moralnom, materijalnom i krivičnom odgovornošću potvrđuje da je podnosilac prijave uredno ispunio obaveze plaćanja poreza i doprinosa (izjava uvrštena u propisani **Prijavni obrazac**);
  - h) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice pod punom moralnom, materijalnom i krivičnom odgovornošću potvrđuje da će podnosilac prijave sredstva utrošiti u skladu sa namjenom utroška sredstava utvrđenom ovim Programom i Javnim pozivom (izjava uvrštena u propisani **Prijavni obrazac**);



- i) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice pod punom moralnom, materijalnom i krivičnom odgovornošću potvrđuje da je podnosilac prijave saglasan da njegov rezultat Javnog poziva bude objavljen na web stranici Ministarstva privrede (izjava uvrštena u propisani **Prijavni obrazac**);
- j) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice daje saglasnost da se svi podaci iz prijave obrade i provjere sa evidencijom nadležnih organa i institucija (izjava uvrštena u propisani **Prijavni obrazac**);
- k) Izjava ovlaštenog lica podnosioca prijave, u originalu, ovjerena potpisom ovlaštenog lica i dodatno ovjerena od nadležnog organa - općina/notar kojom ovlašteno lice daje saglasnost da Ministarstvo privrede i Komisija mogu obrađivati dokumente kojima se dokazuje lični identitet ovlaštenog lica u skladu sa važećim propisom kojim se reguliše zaštita ličnih podataka (izjava uvrštena u propisani **Prijavni obrazac**).

Napomena: Izjave od f) do k) uvrštene su u propisani **Prijavni obrazac**, te ih nije potrebno dostavljati posebno.

## **VI ROK PODNOŠENJA PRIJAVE**

Krajnji rok za dostavljanje prijave je 16.12.2023. godine.

## **VII MJESTO I NAČIN PODNOŠENJA PRIJAVE**

Prijava na Javni poziv mora sadržavati: uredno popunjen i ovjeren Prijavni obrazac i drugu dokumentaciju propisanu Javnim pozivom. Prijava na Javni poziv koja nije dostavljena u skladu sa naprijed navedenim neće biti dalje razmatrana. Neblagovremena prijava neće biti uzeta u razmatranje. Prijava dostavljena po Javnom pozivu ne vraća se podnosiocu prijave. Ministarstvo privrede ne snosi nikakve troškove u pripremi i dostavi prijave na Javni poziv.

Prijava na Javni poziv, u zatvorenoj koverti, dostavlja se Ministarstvu privrede, direktno na protokol Kantona Sarajevo ili putem pošte na adresu:

**Ministarstvo privrede Kantona Sarajevo,  
ul. Reisa Džemaludina Čauševića broj 1, 71000 Sarajevo,**  
sa naznakom:

"Prijava na Javni poziv br. 07-03-11-49296/23"

- NE OTVARATI -

**Na poledini zatvorene koverta navesti:**

- naziv podnosioca prijave
- adresu i kontakt telefon podnosioca prijave

## **VIII IZBOR KORISNIKA I PRAVNA ZAŠTITA**

Pregled prijava i dokumentacije, obradu i kontrolu svih podataka, te ocjenu o ispunjavanju svih uslova vršit će Komisija za odabir korisnika sredstava (u daljem tekstu: Komisija) imenovana rješenjem ministra Ministarstva privrede.

Na osnovu provedenog Javnog poziva, Komisija sačinjava Preliminarnu listu korisnika sredstava sa iznosom ovih sredstava (u daljem tekstu: Preliminarna lista) i istu objavljuje na web stranici Ministarstva privrede i Oglasnoj ploči Kantona Sarajevo. Svi podnosioci prijave po Javnom pozivu imaju mogućnost da u roku od sedam dana od dana objavljivanja Preliminarne liste ulože pismeni prigovor Ministarstvu privrede. Ministarstvo privrede riješava po prigovorima u roku od osam dana od prijema prigovora. Nakon što



Ministarstvo privrede riješi po prigovorima, Komisija sačinjava Konačnu listu korisnika sredstava sa iznosima ovih sredstava po ovom Javnom pozivu (u daljem tekstu: Konačna lista) koju uz Izvještaj o svom radu predaje Ministarstvu privrede. Na osnovu Konačne liste, Ministarstvo privrede sačinjava Prijedlog odluke o odabiru korisnika sredstava sa iznosima sredstava po ovom Javnom pozivu i istu dostavlja Vladi Kantona Sarajevo na razmatranje i usvajanje. Odluka o odabiru korisnika sredstava sa iznosima sredstava po ovom Javnom pozivu objavljuje se u "Službenim novinama Kantona Sarajevo", na web stranici Ministarstva privrede i Oglasnoj ploči Kantona Sarajevo.

## IX UGOVOR O REALIZACIJI ODOBRENIH SREDSTAVA

Nakon donošenja odluke o odabiru korisnika sredstava, Ministarstvo privrede sa odabranim korisnicima sredstava zaključuje pojedinačne ugovore o realizaciji odobrenih sredstava. Ugovor obavezno sadrži: predmet ugovora, iznos odobrenih sredstava, namjenu i uslove dodjele odobrenih sredstava, rokove utroška sredstava, način i rokove izvještavanja o utrošku sredstava, nadzor nad utroškom sredstava, sankcije u slučaju nepoštivanja ugovora, kao i druge neophodne elemente ugovora po ocjeni Ministarstva privrede u cilju uspostavljanja jasnog obligacionog odnosa ugovornih strana. Obavezni sastavni dio ugovora je "Obrazac narativnog i finansijskog izvještaja".

## X NAMJENA UTROŠKA ODOBRENIH SREDSTAVA

Korisnik sredstava je obavezan da odobrena sredstva po ovom Javnom pozivu, a nakon zaključenog ugovora sa Ministarstvom privrede, utroši za troškove nužne za redovno poslovanje (nabavka roba i usluga za redovno poslovanje, operativni troškovi poslovanja, plaće radnika). Ministarstvo privrede će za sva neopravdana sredstva pokrenuti proceduru povrata sredstava uz pripadajuću zakonsku zateznu kamatu. Korisnik sredstava obavezan je sačiniti Izvještaj o utrošku odobrenih sredstava sa stanjem na dan isteka tri mjeseca od dana isplate sredstava po zaključenom ugovoru o dodjeli odobrenih sredstava sa Ministarstvom privrede, uz priložene odgovarajuće dokaze o namjenski utrošenim sredstvima za troškove redovnog poslovanja. Korisnik sredstava obavezan je zadržati sve radnike uposlene na dan objave Javnog poziva, a isto dokazuje dostavljanjem uvjerenja nadležne porezne uprave o izmirenim direktnim porezima i doprinosima, zajedno sa listom osiguranika za svaki odnosni mjesec u periodu počevši od dana objave Javnog poziva do dana sačinjavanja predmetnog izvještaja. Prekid radnog odnosa sa nekim od radnika sa Liste osiguranika dostavljene sa danom objave Javnog poziva bit će opravdan isključivo ako korisnik sredstava uz Izvještaj o utrošku sredstava dostavi i sporazumni raskid ugovora o radu sa odnosnim radnikom ili dokaz o jednostranom raskidu radnog odnosa od strane odnosnog radnika. Izvještaj o utrošku sredstava na propisanom Obrascu, korisnik sredstava dužan je dostaviti u roku od četiri mjeseca od dana isplate odobrenih sredstava.





## Spisak korisnika usluge zakupaca prodajnog kioska zatvorene tezge na PJ 'Kvadrant'

| Popis subjekata koji su obuhvaćeni Programom |   |   |
|--|---|---|
| Redni broj                                   | Naziv subjekta  | Zakupljeni kiosk/zatvorena tezga na pijaci "Kvadrant" |
| 1  | IP "MOBILE EMAF", vl. Peljto Amar                           | A-1, 2, B-1   |
| 2  | IP "SANA", vl. Divović Amela                                | A-3, 7, 8, B-11, 12, 23, 24                           |
| 3  | IP "MEDINA", vl. Hasić Muhamed, Sarajevo                    | A-4, B-9, 10, 14, 16                                  |
| 4  | IP "BRUG", vl. Fakić Nermin                                 | A-5, 6  |
| 5  | IP "NEKI", vl. Bjelak Nevzeta, Sarajevo                     | A-10, 11  |
| 6  | IP "AMILA", vl. Mangafić Đenana                             | A-12, 13, B-70  |
| 7  | IP "HENA", vl. Kapidžić Mirsad, Sarajevo                    | A-15  |
| 8  | IP "REJAN", vl. Aganović Advija                             | A-16, B-71, B-82                                      |
| 9  | IP "LEJLA SHOP", vl. Alimanović-Bilalović Razija            | A-17, 18  |
| 10   | IP "SEMI", Hrbatović Semija, Sarajevo                       | A-21, 22, 23, B-101 A                                 |
| 11   | IP "ANES", vl. Palalić Denisa, Sarajevo                     | A-24  |
| 12   | IP "AMKO", vl. Karaman Rabija                               | A-29  |
| 13   | IP "AMNA" (Divović Lejla)                                   | A-30, C-33  |
| 14   | IP "AMRA POSUĐE", vl. Prljača Amra, Sarajevo                | A-32, 33  |
| 15   | IP "ADA", vl. Prljača Dila                                  | A-35, 36, C-34, 38                                    |
| 16   | IP "MOBIL MERKEZ", vl. Begović Zumra                        | B-2   |
| 17   | IP "EDO", vl. Jahić Edin                                    | B-3,4   |
| 18   | IP "ELVIR", vl. Borčak Elvir                                | B-5, 6, 7, C-0,1                                      |
| 19   | IP "ASIJA", vl. Sijamić Anera                               | B-13, 18, 19  |
| 20   | IP "BENI", vl. Ramić Mevlida                                | B-15, 28  |
| 21   | STR - box "CABIX", vl. Sijamić Adem, Sarajevo               | B-21  |
| 22   | IP "A&S", vl. Karkelja Alma, Sarajevo                       | B-25, 37  |
| 23   | Čizmo Ekrem   | B-26  |
| 24   | ID "DENIN", vl. Masleša Fata, Sarajevo                      | B-30, 31, 32, C-6                                     |
| 25   | ID "BENJAMIN", vl. Lipovac Elvedin, Sarajevo                | B-33, 41, 42  |
| 26   | IP "AIDA" (Hodžić Aida)                                     | B-35, 38  |
| 27   | IP "MS", vl. Mašić Senad, Sarajevo                          | B-43, C-8   |
| 28   | Tahiri Asifa  | B-44  |
| 29   | IP "BEKI", vl. Muratović Elma                               | B-46, 52  |
| 30   | IP "LAMIJA", vl. Baždar Mirsad, Sarajevo                    | B-48, 49, 50, 60                                      |
| 31   | IP "LILA", vl. Opućić Alija, Sarajevo                       | B-53, 54  |
| 32   | IP "ADA", vl. Divović Almir, Sarajevo                       | B-55, C-11, 12  |
| 33   | IP "MEDEM", vl. Efendić Behara                              | B-56, 57  |
| 34   | ID "MUAMER", vl. Mešić Muamer, Sarajevo                     | B-59, 61, 62  |
| 35   | ID "MEJRA", vl. Striković Mejra, Sarajevo                   | B-64  |
| 36   | IP "MM-HADŽIĆ", vl. Hadžić Mujo                             | B-65, 66, 77, C-13, 14                                |
| 37   | IP "NIHAD", vl. Salčin Nihad, Sarajevo                      | B-76, C-15  |
| 38   | IP "MELEK", vl. Bećar Hasija                                | B-83  |
| 39   | Obrtnička radnja Krojačka radnja "Majda", vl. Kozić Nevzeta | B-86  |
| 40   | IP "LEJLA", vl. Otajagić Sanela, Sarajevo                   | B-84, 89, 91, 95                                      |
| 41   | Hasanović Rasim   | B-93  |
| 42   | IP "ENA", vl. Rastoder Elmedina, Sarajevo                   | B-96, 97, C-20, 21                                    |
| 43   | IP "B-100", vl. Hrelja Alen, Sarajevo                       | B-100   |
| 44   | ID "ARKO", vl. Vejzović Vasvija, Sarajevo                   | B-103   |
| 45   | IP "ALLEDY SHOP III", vl. Herić Munira                      | B-104   |
| 46   | ID "FEKI", vl. Mešić Fehrija, Sarajevo                      | B-105   |
| 47   | IP "DŽENANI", vl. Pecikoza Amir, Sarajevo                   | B-106, 107  |
| 48   | OD "BISER", vl. Avdibegović Smaila                          | B-108   |
| 49   | Hodžić Muamera  | B-113, C-28   |
| 50   | IP "AJŠA" (Kustura Emira)                                   | B-115   |
| 51   | IP "COCEX", vl. Cocalić Almin                               | B-117   |
| 52   | Fijuljanin Salih  | C-2, 3  |
| 53   | ID "EN-EL", vl. Čizmo Esad, Sarajevo                        | C-4, 5, 7   |
| 54   | IP "ZLATA", vl. Handžić Zlata, Sarajevo                     | C-9, 10   |
| 55   | IP "MM-HADŽIĆ" (Hadžić Mujo)                                | B-65, 66, 77, C-13, 14                                |
| 56   | IP "EMIR", vl. Dizdarević Emir                              | B-87, 88, C-16, 17, 18                                |
| 57   | IP "EMIR", vl. Divović Emir, Sarajevo                       | C-35  |
| 58   | "ALDY SHOP II", vl. Šučurović Aldijana - trgovac pojedinac  | C-22, 23, 24, 25                                      |
| 59   | IP "ROKA", vl. Rastoder Sefadin, Sarajevo                   | C-26  |
| 60   | IP "ASJA", vl. Hodžić Jasmin, Sarajevo                      | C-30, 31, 32  |

## PRIJAVA NA JAVNI POZIV

za finansiranje provođenja Mjere podrške likvidnosti u svrhu očuvanja radnih mjesta kod subjekata - zakupaca na pijaci "Kvadrant" koji su pogođeni elementarnom nepogodom, odnosno požarom koji se desio dana 5.11.2023. godine  
/br. 07-03-11-49296/23/

## I – Opći podaci o podnosiocu prijave

|   |  |
|---|--|
| Naziv subjekta ili<br>Ime i prezime trgovca |  |
| Identifikacijski broj (ID broj)             |  |
| Mjesto, ulica i općina<br>sjedišta          |  |
| Ime odgovorne osobe                         |  |
| Kontakt telefon:<br>E-mail:                 |  |

## II – Izjave

- f) Pod punom moralnom, materijalnom i krivičnom odgovornošću potvrđujem da se protiv mene, kao ovlaštenog lica podnosioca prijave, ne vodi krivični postupak, kao i da nisam pravosnažno osuđen za počinjenje krivičnog djela i/ili privredni prijestup
- g) Pod punom moralnom, materijalnom i krivičnom odgovornošću, kao ovlašteno lice podnosioca prijave, potvrđujem da je podnosilac prijave uredno ispunio obaveze plaćanja poreza i doprinosa.
- h) Pod punom moralnom, materijalnom i krivičnom odgovornošću, kao ovlašteno lice podnosioca prijave, potvrđujem da će podnosilac prijave sredstva utrošiti u skladu sa namjenom utroška sredstava utvrđenom ovim Programom i Javnim pozivom m.
- i) Pod punom moralnom, materijalnom i krivičnom odgovornošću, kao ovlašteno lice podnosioca prijave, potvrđujem da je podnosilac prijave saglasan da njegov rezultat Javnog poziva bude objavljen na web stranici Ministarstva privrede.
- j) Saglasan sam, kao ovlašteno lice podnosioca prijave, da se svi podaci iz ove prijave obrade i provjere sa evidencijom nadležnih organa i institucija.
- k) Saglasan sam, kao ovlašteno lice podnosioca prijave, da Ministarstvo privrede i Komisija mogu obrađivati dokumente kojima se dokazuje lični identitet ovlaštenog lica u skladu sa važećim propisom kojim se reguliše zaštita ličnih podataka.

Mjesto i datum: \_\_\_\_\_

Podnosilac prijave

M.P.

\_\_\_\_\_  
potpis ovlaštenog lica

NAPOMENA: Ovaj Prijavni obrazac je potrebno ovjeriti u općini ili kod notara.